

由

拳

集

苗拳集卷之五目錄

五言古詩

雜懷八首

於青浦懷鄉曲故人

感懷詩五十五首

由拳集卷之五

東海屠隆長卿 著

五言古詩

雜懷八首

鷓鴣日飛飛遊戲蘭若中黃鵠鼓大翼一舉凌煙  
空朝遊崑崙巔莫宿扶桑東策名在及首登高呼  
順風運去龍蛇然肯來收承封悲哉閭闔士皓首  
沒枯蓬

雅音久絕響淫哇日嘈嘈黃鍾肯一鳴衆人自為

妖巖霜被青桂鳳皇依陵若百鳥傷其類哀鳴散  
嗷嗷相失萬里外道遠增煩勞安得垂天翼銜汝  
歸故巢

仲冬涉淮水千里莽無色沙飛原阪長雲起關河  
黑日暮懷佳人沉慮及永夕不辭風塵若所嗟道  
里隔采芝山雪深欲寄何由得

晚步長洲上遙望吳王宮吳王歌舞罷西施粉黛  
空古墓生白楊高臺餘青楓天寒狐狸出日落寒  
花紅繁華此長畢三歎來悲風

脩原亘長城城上臨高臺微茫見古壘萬里風沙  
開秦漢多雄圖猛士紛如雷寶刀剝白日驅馬胡  
兵哀只今戰場上離離生蒿萊皇天莽無情英雄  
化為灰

黃霸為潁川寬和親士民人皆事鷹虎亦獨懷至  
仁吏治高漢庭千載思陽春驅車登秋原潁水清  
磷磷高風既綿邈末世欽斯人

家有金石及青雲鬱嵯峨慨慕荆高文章折陰  
何大羨申皦日長風激頽波緩步登玉墀炎采生

鳴珂片言苟不合拂衣歸嵩阿黃鵠橫四海安能  
傍雲羅

簪豕居長安冠蓋從我遊重門夾茂壺堂上羅珍  
羞結交青雲士一一鳴天球詞藻懸秋河氣義橫  
高丘肉食豈足道榮名期千秋良肯不再得惜哉  
風馬牛一讀浮萍篇嘆息安能休

於青浦懷鄉曲故人

結髮栖海曲生事在漁釣故人多布衣日夕同  
嗔布衣捐禮法行行隨所適片帆江址沍斗酒

南陌海水流泱泱，此樂不可常。故人一以別，漂泊  
經三霜。憂勞日相煎，萬事空蒼蒼。懷人復感舊，涕  
泗沾衣裳。

感懷詩五十五首

有序

人獨躬執  
小豈得無  
魚目  
余以固陋，執鞭海內。貧賤人新，故繫感存。歿興  
懷率然，有任匪敢。茨杼藻麗，馳騁枕中。情所  
宣，聊寫款款。今天下豈不多貧，其未獲從。遊非  
鄙情所鍾者，不敢漫及。君子亮其心焉。

張司馬惟靜

司馬余鮑升少小銜知遇交情矢靡他黃河日東  
注哲人一以逝悲風起大壑撫焉破絲桐孤調不  
成趨忠信如可孚天地存中懷

家少司馬國望

天山

吾家老阿咸沉幾復個儻大道合自然神智視天  
壤余本嶽崎人支離及鞅掌昌猷風所嗜神駿謬  
見賞知乘今已矣嘆息悲俯仰

范少司馬堯卿

錢

司空雅博物妙識通人倫一舞斗間氣寶劍出灰



塵馬向伯樂鳴士為知己伸樂奏東山伎門多北海  
賓魚龍夜澆滸大湖水粼粼散名詎一旦光彩  
映千春

王廷尉元美

名世

矯矯王伯子弱冠早登壇高華秀山嶽兀立青雲  
端乘肯奮鉅跡才子復尊官妙采名禹期在生有千  
日驩揚旌鼓六合長風激波瀾不測陰陽謝但知  
滄海寬多士婦如雲永為來者觀

沈山人嘉則

台明王少句章

峻嶽部有道高表薄俗名理落區中清風散六  
幕揚帆涉洪波倚杖嘯崑谷龍性空天雲閒情擾  
麋鹿一睹紫芝顏三嘆令人伏

陳大叅玉升

名元瑞字南庵

觀察西土產蚤譽鬱壘研神清峻眉雪文濯錦江  
波折節推白屋英賢盡張羅題書先下吏辭氣何  
雖稊休休敢曠度仰德泰山阿

余孝廉君房

字

君房富才情言語妙天下既分揚馬帶日復策黃

駕抗志秋天雲名貫璠璣價人理悟柔澹窟通安  
足宅兀坐思良爻高風薄芳櫟

顧觀察益卿

顧公何落落乃是人中英高義挂北斗關茸耻生  
平文故英雄色武可當千城唾壺擊忼慨長吟歎  
旬旬執鞭倘相許願附青雲名

包主簿明臣

大德

包簿珪璋士一官不挂齒談詩傲人羣為漁依海  
瀼酒德良可頌彈琴得玄理居閑自灌園興至道

然喜海客久忘機悲哉夸毗子

王太學百穀

名擇

把臂交首貧王君何嶽嶽既窮三耳辯復摧五鹿  
角人巧奪天工綺績紛相錯伸紙吐妙辭一一夫  
容萼早挂世上名晚眷工中樂斯人真吾徒遺容  
貫林壑

李處王賓父

世宣

處士遜人世托拙營蕭息呼童釀美酒開軒讀離  
騷佳賓爛已盈膾鯉復烹羔長歌滄浪曲日莫然

蘭膏出門遠燕咲念子徒心勞

沈比部箕仲

九時

柳  
大雅振空谷頽頽青雲姿  
髮艸被長坂崇蘭業葉  
莛佳期結綢繆金石良  
不移遭肯耀至寶韜精乃  
吾師

張觀察助甫

上蔡有佳人榮華曜日三  
歎業泠泠朱絃鼓瑤  
瑟束髮蚤登朝肯稱琬琰  
質論交半海內秀句盈  
緇帙賤素徒神交何肯一  
促鄰

黎秋書惟敬

名氏表

賀監推宿儒文章傾上都垂老為黃冠乞身歸鑑  
湖春萸冒長谷烟光秀旅蒲秘書千載下高風  
邈焉孤文雅既已類出處良不殊

王觀察敬美

名世懋

吳士多如雲二陸千年秀王家漢玉璽誰先復誰  
後龍藏測海深鳥下知林茂一栖當兩雄六合  
相闢才氣故跌宕純白亦已守

沈太史肩吾

名肩吾

吾欽沈太史高旻刷威鳳清德邁隨允才華慄原  
宋伏謁承明廬天廟奏歌頌大雅發鴻響談言亦  
微中文章苟遇合嚆將安用

歐博士禎伯

博士起南海珊瑚照若水攜英爛春華居然守其  
璞蚤歲遊上都日莫返初服歆秉重交情題詩遠  
相勗微吟託涼風胡能繼芳躅

沈太史君典

休文擅麗藻文章並金石已抗青雲姿故有煙霞

癖近詩靜者言力謝區中客夜盤石瀨鳴午牕山  
翠澹偃仰詩天倪當門長薤薜一讀養生篇終拏  
日以息

周民部元孚

名弘編字二哥

荆門佳山川楚澤多蘭蕙夫君挺瓌秀才致何開  
美立言駕千穉廣心營四海願此蒼茫下獸立而  
忼慨經年不寄書械情欲誰待

孫吏部文融

鏡

越絕天下表萬國開禹甸人文三代有離奇映竹



箭有美琳球士曠世乃一見好古蒐玄夷英辭豁  
春電質養亮所敦浮華詎須羨一訓河漢章三度  
零霜霰

莫文學廷韓

莫生雲間雋才華霏玉屑上書不見收歸來美雲  
月天放此人閒吾曹苦蹶躓考鼓彈泉箏歌動海  
水咽賢者伏草莽中心悵如結

于澤州子冲

于子洵卓犖束髮著英叢自言御李君嘯唵主齊

盟青天捫日觀海氣朗晶熒一麾遵澤潞五馬榮  
專城既悟玄同理遂抒拯物情竹素如可託千煉  
遺嘉名

徐袁州茂吳

茂吳秀楚楚南國稱琳琅策足據天目涉江擊芬  
芳耽文如渴饑好士輸肝腸薊門一傾握燕路各  
徊翔伍眉向時人泥沙在衣裳石門長瑤艸風吹  
雕胡香終當謝羈鞅卜築西湖旁

馮吉士開之

鐘鳴蜀山應磁石乃引針方諸隨明月遊魚吞鳴  
琴萬物各有合何況相知心之子非夙契泠然操  
南音結交片語下把臂欣入林吹簫不足喻投醪  
意何深願君啟終始高嘯南山岑

孫太史以德

天上来歲星二十昶明經臚傳奏第一白鵠矯亭  
亭太史占卿雲五色躡殿遮公卿咸咨嗟至尊  
覃寵靈天球陳東序圖書列西樞妙歲而朱顏黃  
髮垂典刑託交希末允佇立仰青冥

張明府孺毅

公子天下士負氣兀凌兢  
結交多大俠四海喻雲  
蒸千金散貧士斗酒會良  
朋然諾聞梁楚高彘附  
信陵晚乃事實宋閉關息  
崩騰彭澤賦荆軻嗒然  
豈無能英雄卒恬澹千載  
人嗟稱

陶比部楸中

比部抱竒質落茫會稽材  
崇岡面倚竹紆徐石帆  
開著書藏禹穴流觴曲水  
隈含香白雲署載酒黃  
金臺懷人千里外習習清  
風來

甘侍御應漕

侍御古人心行羨何晶晶玄晏夙嗜學百氏恣宜  
討理超象教外舍英振薦藻一冠惠文冠風稜絕  
霞表黃流須玉瓚貞良為國寶事了歸名山相期  
拾瑤草

李臨淮惟寅

李侯抗高志湛實浮英華玄風扇六合清標映孤  
霞佩服如儒生名章爛天葩折節賢豪人俠烈魯  
朱家信陵稱好士魏其詎足誇置酒鎔瑤席衆賓

咸清嘉奏技呈角觥徵歌掩渝巴故驩不可再長  
令遊子嘆

唐比部惟良

惟良慕廓士熙朝寶琳琅佐令稱神君讀法飾文  
章孤貞鮮諧俗四十猶為郎一官甘拓落意氣盛  
摧藏單車出舊部萬姓遮路旁兒童拜馬首父老  
進壺漿文執足不朽疇為傳循良

姚吉士于定

南粵多奇產海氣芬鬱盤翡翠鳴茗華珊胡暎木

雞絞人水綃濕龍女夜珠寒  
曉日南子才華  
鸞鸞一想枕柳對幽栖  
邃巖巒緜緜遐想君卿南望  
涕泗瀾

瞿孝廉廖夫

瞿生余故人一見相歎咤煩冤  
類屈平才氣亦相  
亞美玉玷青蠅不損連城價  
一當嘉石評遂遇金  
鷄赦風雲大難夷日月空名挂沅湘  
歸采蘭浩蕩  
荆門下

高博士升伯

升伯吾黨中標韻何脩然雅志者墳典澹泊守太  
玄積新亦良可薄宦寒不前諸公盡臺省廣文獨  
青瓊芳盃露清滑芸揔手一編閒窺象數外靜想  
羲皇年晤對清心鬼冲襟時與宣

楊編脩公亮

楚楚名家子澄潭暎秋空文章為國瑞質行有門  
風致身青雲上逸氣凌星虹朝視明允草宵聞未  
央鐘申章酬明主無復嗟飄蓬

顧檢討實甫



涉江采江蘼登山擷蘭蕙金燈葉竒枝玉禾紅嘉  
穗美秀良見珍讀書窺中秘獻納萬乘前述作千  
秋事宋玉本麗才雄也多竒字一浔當姬姜但馬  
媿蕉萃

陸編脩敬承

陸子機雲傳落筆說鋒穎結髮侍金華長轡後茲  
騁秉心自塞淵稊光合溟滓大隱在朝市奕奕玩  
人境萬物猶螺贏儻忽迅流景悠悠達生人高韻  
日延頸

丁郡理右武

丁生爾咄咄意氣凌太空  
咿嗶取通顯之人寧固  
窮兩豹騁康衢馭娑一何雄  
古羨探岫壘大道登  
崆同努力挽逝波激矢當衝  
風磊落壯士肝終然  
起顏庸

汪太學長文

微抱託天壤論交得汪君  
少習史籀蹟頗工鐘鼎  
文辟性耽名山儻然遺世氛  
十一居城市十九臥  
煙雲松風吹大壑披之心所欣  
自遠薜蘿眷目想

猿鶴群汨汨塵囂裡斯人揚清芬

沈檢討茂仁

力田貴逢年順風揚芳蓀平津晚見收太傅蚤騰  
騫朝為白石歌莫立金馬門佐賦文已顯遭出旨道  
乃尊雁腫道旁子罄折安足言

方孝廉衆父

衆父本秀穎古色何蒼然文出之果上詩宗大律  
前六英紛並奏五色以相宣日夕豈不壽金石豈  
不堅榮名在振藻諸子何連翩

袁太學非之

非之栖余丘山穴耽幽竒朝瞰朗石門夕流駛迴  
溪春對楚如薺百草紛以萋崇岡莽相矚松風颯  
可披綴文鬱佳麗古心超希夷兀然蓬茨下賢教  
乃四馳吾曹多孟浪如君足庭規

徐太學孟孺

孟孺

彼美婉孌者抗志慕鴻鉅不讀後代書不作今人  
語擗管抽玄思自識良工苦伊余本無竒數問窮  
覩縷天地有知音朱絃為君拊意氣一何雄顏色

無乃媿交洽，羨彌敦。勉旃亮所處。

桂博士情盈

博士何為者，一官真跌宕。大才落五石，胡然泝滄瀆。  
續貧賤，寔駭君。歲晏風波上，梁鴻歌五噫。元封悲  
龍龔，耿介夙所持。雲空視溱澣，荆繖耻向人。青山  
自無恙。

陳孝廉子有

聖世挺群喆，大雅揚洪音。陳生舉玉趾，軒然涉詞  
林。風霜挾隻字，天地為蕭森。瑤華辱接贈，把視雙

南金竭來詫得儁願言懷素心

彭文學欽之

吾道有大雅彬彬庶文質尼父設四科顏閔稱入室所以堯李花不如堯李實恂恂青衿子冲養穆以泐會章乃敷華脩詞一何蔚黃流貯瓦正賢士處蓬華蹈道秉亮節洋洋激清泌

沈虞部少卿

余管居長安折節交良友君從吳廷舉一見情款厚嬾謁五侯門罄折恥奔走塵埃積房德室刺亦

何有委命於浮沉此物非力取開軒坐茂對呼童  
集曹偶稱詩鼓鳴瑟取醉黃公酒為樂銷百憂陡  
絕遺氛垢天涯雨雪深三折都門柳感來念疇昔  
歲月良已久

張文學長輿

豕愛張長輿耽文尚玄素偃仰環堵間蓬蒿積滿  
戶蚤馳堅白辯晚識盈虛數故有丘樊期作詩託  
五稟朝從麋鹿遊夜結煙蘿寤擊石歌商頌颯颯  
飄風度被褐而懷玉瑟彼松上露

陸文學伯生

昔俗薄朱顏漂零歎夷允襄陽老布衣李白流夜  
郎近世有盧生含媿伏析楊高才多坎廩神理忌  
文章糟糠嘗不厭薜荔裁衣裳生無一日驩名有  
千秋香苟悟人世事五嶽堪尚羊

楊孝廡伯翼

伯翼儻莠才涉獵收群籍師心鑄文辭中含太古  
色黃鸝下九州龍駒空八極跋扈人代間自號萬  
夫敵睥睨風雲興回盼水霜坼遭之却逡巡聊為



一馮軾

吳徵君林嘉

吳生故清真雅抱耽寢歷二十美柔翰苑含神霧  
色謀生一何踈委巷空四壁妻孥恒淒涼歌蔡出  
金石味道恥于人懷刺將安適嵒穴可栖真何言  
命與力

陳哀兆伯符

名承來

烹兆英妙年白晢驟日光南海珊瑚枝星柘遭霞  
桑姿秀才亦儁文采苑虹梁林則故清真辭賦陵

河陽讀書嗟早貴執死今翱翔熙朝重珣連致身  
理固當

崇文學仲初

余昔躬漁釣栖遲東海曲爰有同袍友溫溫朗玄  
玉嘗赴斗酒期採藥蒼崖窟和歌谷冷風清音灑  
空谷伊余辭故山世霧日紛逐東風一解凍百州  
妻以綠及道多蕭疎中心愴慙慙

郁文學孟野

郁生名下士相期垂一紀翻然領邑符孳孳慙臥

理逢掖忽在門降階輒倒屣謦欬吐珠璣片語成  
知已蒸藿亦方貧肉食余自鄙論心絀皮相伏櫪  
思千里願託末乘允努力啟終始

家比邵田未

翩翩佳公子清德絕瑕類好古真成癖詩書日晤  
對堂上陳犧尊遮下產書帶雅抱賢達心不作首  
人態寔臨東海流門對南山靄基座無雜賓蘭茝  
日堪佩吾欽此人賢水石欣清瀨

李文學之文

之文後來雋詞林儼揚旌女蘿與長松纏綿良所  
嬰明信指白水送我涓陽情侯芭尊子雲惠施知  
莊生一言苟擊節萬事空瓶罌願子策高足庶以  
甌平生

曹山人子念

山人遺好爵栖遲老山樊悟得沉冥理長誦逍遙  
言飲酒青苔暎談詩白雲繁空林坐寐莫啼鳥百  
一喧終然管石室揮手凌寒原

由拳集卷之六目錄

七言古詩

東海高士歌

贈天台范文學汝東

悼溺海壯士

元宵篇

閨情二首

閨怨

李生行

述哀篇

唁禁鄭朗

贈陳將軍

傅御史行

贈吳生

薊門行

天台山人歌

打獵篇

送沈長孺東還

贈瞿九思

瞿童子詩

訓周元孚民部

送桂博士入楚

贈沈茂仁

長安明月篇

留別沈君典馮開之諸君

寄顧益卿

彭城下吊項羽

淮陰祠下作

吳王歌

蕩子從軍行

東海病農歌

由拳集卷之六

東海屠隆長卿 著

七言古詩

東海高士歌

沈嘉則先生東海高士也以雅道倡東南名動  
海內余恨未得識而蓋神交者十年所美張大  
司馬為置酒招置一見傾倒余覽其風度議論  
真非常人讀其文令人神王先生亦深見器識  
呼余似李白余則安能乃退而作歌

天上神物高嶙峋  
光芒倒影凌星辰  
一朝墮地姿  
斲託形骸化為人  
化為人何昂藏  
顛骨稜層聳五  
嶽  
啖唾翁沓吞三湘  
雙眸炯炯照秋月  
兩腋翩翩  
扶大荒御風騎  
氣遊汗漫獨踈  
西龍恣翱翔  
揭來  
東海瞰大壑  
大壑茫茫混窳  
廊三神之山立  
縹渺  
日月爭出相馳  
躍掀髯一嘯  
弄滄溟風卷  
白波氣  
噴薄或持大瓢  
酌海水手搖空  
綠潮欲涸醉來  
赤  
脚踏洪連睥睨  
海水如一勺  
豪吟散髮驅  
長鯨竒  
句散落海若  
驚錦繡盤  
胃羅萬象  
宇宙入眼空羣



英山川風月隨筆札元氣奔僕供使令上窮天象  
蒼旻佐下搜地軸黃河傾於菟殊山吼欲裂其餘  
蚊蚋噬羸一劍崩縵四海逢人談笑揮卮酒  
酒酣耳熱生雄風位詩書字大如斗王侯將相爭  
識否海內才賢都握手曾克記室佐司馬不減劇  
孟徒條侯司馬弓箴賓客散東粵千里泣高立不  
獨文章傾南國義聲往往張九州嗟余不拜紫芝  
顏懷人夢寐徒十年僂兀只尺隔林樾相耶霧耶  
兩茫然司馬愛才為招聚一見把臂歡如故往來

共在天地裏何事當時不相遇

贈天台范文學汝東

吾聞天台之山幾百里青天倒挂窺海水與公賦  
後增嶙峋望而不見勞心神劉郎採藥去不返長  
松落落白日晚即今一遇天台生恍如石梁落雙  
眼天台生何翩翩五雲秀色開洞天文章吐赤鳳  
意氣凌紫烟把臂一笑俱茫然明朝訪爾天台路  
我欲仙人石上眠

悼溺海將士

黑雲摧海邊風踰海昏日落煙沙高濁浪茫茫蹴  
厚地橫奔轟轟摧靈鼇十萬樓船忽如紙蕩空觸  
石顛不止大旗吹折寶刀沉同時六軍沒海水傷  
心大將哭臨陣殺斷金笳絕鼓鼙身掩黃沙銷鐵  
甲鬼隨明月到春閨君不見胡人飲馬長城窟城  
下多少英雄骨丈夫報國聲隆隆扶桑日出光曠  
曠生為壯士死為鬼雄何必老死蓬蒿中

元宵篇

天王御極今三載繡斧風流使君在手散陽穰遍

大江江南正月春如海太平元夕在青陽銀漏遲  
遲夜未央絳蠟風中吹不斷紅蓮火裡暗生香踈  
星低戶夫河近明月窺簾海色長管絃處處聲相  
送清歌子夜毒花弄六街塵起萬人來車馬踏城  
城欲動傑閣朱樓大路平誰家妖麗不關情王孫  
暎雪披宮錦少女如花坐玉笙王孫少女兩相怜  
香粉叢中綵袖聯壚頭醉客歌青髻陌上遊人拾  
翠鈿人間此夕復何夕莫遣東方開曙色不知天  
上疲何其應念嫦娥眠不得幃幙裊裊出行春羽

騎霓旌從若雲千家綺綉懸華屋一道燈花擁使君

閨情二首

昨日別君楊柳濃今朝悵望櫻飛紅青驄去何在  
只在平蕪外春風自煖妾自寒隣女相過掩淚看  
日長草綠嬌黃蝶宛轉啼鶯隔花葉不能飛去喚  
郎歸何用朝朝啼向妾

郎君憶妾妾不知妾憶郎君心獨悲黃昏點燈照  
孤影白日當窻愁耿耿東隣夫婦如允央奈何妾

獨守空房空房不可守月照飛蓬首夜來讀素書  
愛惜如瓊玖誰家有女不懷春何物懷春不苦辛  
蒼蘚無端生錦蕊落花何意點文裯

閨怨

妾貌如芙蓉二八猶未嫁睡起腰肢只自妍妝成  
眉黛無人畫人言妾貌使君前聘妾金花雲錦箋  
但聽人言好要非心所憐衆女疾嫉眉嫉眉解生  
妬妾貌非有移使君心不固還君錦箋君且休與  
君別自選風流浣紗西施石採來南陌頭妾面粒

今羞白日玉顏空自老朱樓

李生行

李生長不滿七尺意氣不減古俠客腰懸七首截  
雲霓手挽黃河挂霄臆西望太行東窺碣石一室  
臥遊窮八極青袍雖是齊魯儒許身終作高陽徒  
春日風嘶紫叱撥寒天疾擁花耀能白眼看人只  
長嘯風流舅氏頗同調落拓未逢天子呼昂藏且  
放時人笑

述哀篇

代友人作

食魚食河魴娶妻娶齊姜河魴猶可食齊姜不可  
得好花落盡春風殘美人化去胭脂寒花落明年  
又解開美人一去不復來苦調不成聲哀絃容易  
絕空有餘香枕上存可惜朱顏鏡中滅春日晝陰  
空閨子夜沉緣自生前斷息從死後深憶昔結  
縞理瑟和笑語春風生綺羅五更愁易盡萬歲豈  
云多共道姻緣天地老那知倏忽人歸早只在人  
間二十秋此別竟成千古愁綵雲一瞬風吹去皎  
月流光不肯住霞衣髮鬢向丹青淒迷不識歸時



路柳絮梨花到夕陽  
蕭枯蕙死不禁霜  
黃壚深苑玉芳艸  
暗埋香壑玉埋香  
自何所忍見容華委塵  
土人在不知歡人亡  
但知苦豕今徒哭君  
不聞君倘能悲我  
不信知是韓憑兩地  
悲何不當時一宵  
盡腸斷又黃昏含悽  
怕入門風前疑有影  
月下未歸魂夢裡  
相逢淚如雨驚回  
猶記夢中語錦衾日  
夜睡醺醺睡去還  
貪夢見君

唱葉鄭朗

朔風吹浪卷寒沙  
海樹盤空雪作花  
大江凍合雲

空滿天入平荒白草短一聲高雁落邊愁忽念故  
人雙淚沆猿啼虎嘯悲行路歲莫天寒出避仇莽  
莽乾坤何以走獨有青山在馬首歸來門巷掩蕭  
疎盡日無人好著書太陽不照君孤憤寶劍光沉  
手自杖小臣欲向天帝訴九關我我扁豹怒

贈陳將軍

將軍颯氣食虎早識諸生事旗鼓雙旌落日使  
夷王疋馬西風說強虜金笳朔雪照營門鐵衣光  
閃瑠弓昏將軍仰天誓報國拔劍擊海海水渾寒

雲出塞長凍州合沙黃萬騎朝吹角千山夜度霜  
東南走遍扶桑國刀環黑帶風塵色幾回虜盡一  
身存六十年来雙鬢白功蓋華夷壓陣雲可堪爵  
賞不勳勳老将耻班新部曲偏師猶屬大將軍君  
不見雲中太守坐按堵一言不合幕府怒陳湯萬  
里威腥羶白首那知尚戍邊嗟嗟將軍何桓桓丈  
夫不為虎躍即為龍蟠轅門一咲解金鞍賓朋相  
見聲相歡歸來不用千金壽華屋青山一尊酒嗟  
嗟將軍之功挂人口馮唐劉向之徒那不有陳生

本是封侯人魏公終作雲中守

傅御史行

崑崙之山高嵯峨青天一片流黃河大地微茫出  
桐栢萬里長淮走秋色二水東流日夕奔君亦胡  
為下薊門薊門落日照馬首臘盡河水尚枯柳黃  
沙深深不見人誰餞孤臣一盃酒軒轅臺壯天荒  
涼臺上曾憑覽太行一犯風塵向東國劍花蕭瑟  
帶燕霜古廟黃祿思夏后高立白虎吊吳王傅御  
史丈夫事業當如此七尺之軀報天子南荒瘴癘

亦不惡何況東來窺大壑大壑崩騰不足驚馮夷  
擊鼓龜鼉迎八月秋濤卷海澗天青嶽色參差明  
靈鰲背負三山至看君浩蕩蓬萊行漢家累累盛  
金紫走馬長安多老姬君不見傅御史

贈吳生

闔閭城頭草花香迤陵墓上落日黃何者王孫稱  
季子千載風流無乃是落拓人間三十秋  
旣不  
肩干王侯曾將雙璧酬紅粉破盡千金買紫駟吳  
地烟花住來久眼前一片秦淮流歸臥滄江白日

速疲疲刀鏢響空谷那堪髣髴秋蓬飛幾見薜蘿  
春草綠願君且莫歎嗟蛇犬夫失意奈爾何愁來  
擊筑向尊酒女本吳人善楚歌

薊門行送王生北上

南浦逶迤漲綠波片帆孤月生黃河黃河東來水  
穀盡行人北上關山多留君不穀勸君飲白日為  
君行嗟蛇落落幽燕薊門闊太行直倚鴻蒙割天  
開日夕臨九遠山阻風雲護雙闕君行漸北邊氣  
深馬首西風一何烈榆關盡角吹微霜獵騎金鞭

照積雪薊丘覽古高臺荒黃沙入草烟茫茫美人  
不見藏鈎處俠客猶餘蹴鞠場古來飲馬空垂名  
葱河日疲流長城長城下有英雄骨此時忼慨誰  
能平漸離荆卿寸心許更願一拜田先生青萍紫  
騮兩無恙高堂擊筑咲相向百壺沉醉醒能前萬  
里橫行沙塞上歸來日日傍紅樓滿簾明月彈箏  
篴一生不入金張宅一生不願王侯遊王郎意氣  
倘如此臨行贈爾雙吳鈎

天台山人歌贈林養頤

天台山人冰雪色目光射海髯如戟高空明月照  
刀環匣劍霜浮古花赤文章往々薄諸生門巷時  
時通俠客迢遞青山遙見松栝城髣髴見霞標僊  
人盡日看瑤草細路何年度石橋謁來頓轡吳山  
側一咲相看兩莫逆浪吹孤日海門開風卷空波  
江雨白菴々乾坤縱復橫如君寔有古人情假令  
千載猶旦莫何況四海為弟兄夢寐名厓亦已久  
靈潮尺尺鼉鼉吼君今為我報山靈明日天台一  
把手



打獵篇

幽并八月天  
蒼涼平原無人秋  
艸長帝子王孫齊  
出獵少年一一皆我裝  
甲光耀日千金鎖袍繡盤  
花五綵妝雕鞍玉勒紛  
未往千騎萬騎披草莽  
出匣泉流寶劍號控弦  
風急琯子響蒼鷹亂擊  
百鳥呼將軍仰射金僕  
姑文鶴錦鷄馬前墮紛  
毛血灑平蕪魚然獵犬  
風雨迅黃狐玄兔一時  
盡塵沙四起天地昏  
猛虎亦驚山谷震山前  
逐鹿莽縱橫關外蕭々  
胡馬鳴少年彎弓挾飛  
騎直過秋風古

北平富貴豪華事遊佚玉葉金枝誇慆疾綉旂画  
戟列長雲白馬紅袍驕落日須臾偃息人馬閑臂  
鷹牽犬紅斑々遠出不知原野闊歸來但見車輪  
殷長安大道人如蟻爭看王孫出獵還

送沈長孺東還

憐君有才時不偶空令歲月風塵走公車三上長  
安春馬蹄幾別都門柳劍花白日照嶙峋不作攢  
眉向紫旻酒中大嘯驚燕市醉來一睨當壚人季  
子金多何足問張儀舌在安愁貧昔年咄々憐枯

槁感君高義與君好可堪今日送君歸  
蘇蘇綠滿江南道君歸且得臥煙霞  
余獨飭飭依天涯東方苦饒侏儒飽  
出入羸馬多泥沙永寄歸心與君去  
黃河悠悠日東注別後相思海月秋  
蘆憶得垂綸處

贈瞿九思

瞿時以註誤長流塞外余憐其高才煩究為作  
此詩

盧龍浩蕩秋相生風吹九邊哀角鳴壯士起舞手

拔劍天星散落銀漢傾黃河倒翻白日裂  
蘇子夜決魚龍驚鉅靈劈山五丁走為君  
磊落懷不平我欲撞萬石之鐘擊鼙鼓大  
呼百神向天語百神不應皇天不憐女女  
有才名落吳楚楚中須冤屈大夫獨白詞  
賦悲千古勸女意氣休摧截逢人且放雙  
目光鳳皇鳴鴉誰復辨空然慟哭過江湘  
古來高才多不免白也長流向夜即君今  
遠徙何為若青天無人位曠野火暗屯雲  
鋒壘西刀寒積雪陰山下雙髻淒淒四  
十年可憐此日犯風煙沙塲倘

葬英雄骨天地終垂孤憤篇相公憐才 聖明主  
男兒之不死窮邊

瞿童子詩一

瞿童子名甲楚人瞿九思子抱才甚奇年十三  
徒屐走魚師上書相公訟父竟辭情愴慨余見  
而心壯之遂訪其父子邸中贈之以詩童子亦  
有贈余之作

楚中何物寧馨者秀眉鬢髮亦灑灑十三作賦能  
凌雲七步成詩不倚馬上書相公訟父竟愴慨陳

詞淚盈把，煩冤直欲叩天闈。長安六月霜飄瓦，願  
將高義附緹索。少年不在岑生下，君家父子俱才  
賢。黃鵠落羽遭鷹鷂，白日有時不照地。豐城獄底  
埋龍泉，文字豈招神物忌。才名不受世人憐，我從  
長安識女父。因識女一見，把手相勞苦。蕭然短褐  
吹秋風，向人有氣不得吐。世人爭謁五侯門，眼前  
誰復哀王孫。

訓周元孚民部

楚中山川何雄哉，南紀滔、江漢開祝融之峰秀。

且拔朱陵紫蓋通僊臺玄夷使者授金簡精靈萬  
古安能迴星河高倚三峰出波浪平吞七澤來洞  
漣蕭蕭木葉下屈子靈修兀不化賈生藻思縣長  
沙處士才名落江夏即今才士猶雲興詞壇灑鼓  
君先登一曲南風吹落日片言煇色起巴陵君操  
郢雪燕市裡燕市高訝萬人廢風流白日不銷沉  
意氣青天可凌厲一見憐余調頗同翻然膝行走  
下風願作雙龍駕鉅海願隨八駿行秋空安能與  
斥鷃之羽爭枯蓬

送桂博士入楚

桂生蕭瑟人浩蕩觀八垠人生行樂耳何必營千  
春薄遊可玩世何必要路津長安不收明月珠壯  
風夜夜吹瑠瓠五侯七貴不問彈箏自向酒家  
胡年：上書何為者黑頭佐吏風塵下聊借微官  
向楚中赤日空原駘瘦馬楚國山川六千里君行  
寧為微官喜高言一落大湖深甕中雲夢不知幾  
天晴盡色漢陽開一片孤帆江上來白日空縣鷄  
武賦青山誰吊禰生才君今寄傲滄洲上天地安



能羈任放直取當年曠士懷黃鶴高樓尚無恙長  
安作客厭紛紛眼前母事如浮雲我亦明朝為小  
吏三泅七澤好從君

贈沈琳仁

少年才子八明光春容大篇森琳琅片言落筆搖  
文昌儼如繁星麗寒芒天門萬里開霞乘駿馬銀  
鞍大路旁共羨朱顏白日香西施浣紗江水長疎  
眉老大泪成行自領春風吹曲房

長安明月篇

長安明月正秋宵  
桂對扶疎香不銷  
初懸碧海生華屋  
漸轉朱城隱麗譙  
白露玉盤流  
素液丹霞寶鏡拂  
輕綃明浮漢殿涼  
僊堂暗入秦樓濕  
紫簫魄滿中秋天  
浩蕩光圓三五夜  
迢迢參差玉葉披  
香樹宛轉金波太液  
橋披香太液紛相屬  
玉葉金波寒藪藪  
萬戶平臨不疲城  
六街盡在清涼國  
洞庭湖中木葉稀  
姑蘇臺上城烏宿  
靈妃鼓瑟湘江頭  
神女弄珠漢水曲  
朱絃的的泛崇蘭  
翠袖娟娟映修竹  
旣從天漢掩躑星  
亦與君王代銀燭  
君王對

此秋漫漫龍樓魚鑰開長安閃閃鴛鴦香霧繞  
溶鴉鵲玉華溱風飄綽約雙鬟女花近歲社七寶  
欄新出疎眉描正似圓來嬌面借同看昭陽粉黛  
生香煖長信梧桐照影寒飛燕單衫初舞罷班姬  
雙泪欲啼乾自以光輝薦寒暖每逢佳節助悲歡  
有時照入空閨裡蕭瑟沉黃夜驚起能於瓦上白  
如霜復遺牀前涼似水情到鸞箋浪萬行夢回鴛  
帳人千里有時照向邊塞頭黃沙茫茫白草秋已  
傷長夜吹邊篳可奈寒光照戍樓歸興三秋爽遼

水愁心一夜滿并州古來一片長安月對之萬種  
人情別月圓月缺如循環秋去秋來無斷絕  
皎皎地上霜都作星星鬢  
雪後他人盡換春秋  
不向中天數圓缺且因光景及芳年乘興先開歌  
舞筵同酬綵筆邀希逸自舉金盃呼謫僊  
會於人既不易良宵顧影亦堪憐  
興來坐到星河曉醉後還操明月篇  
最愛霓裳羽衣曲乘風便欲問嬋娟

留別沈君典馮開之諸君

憶昔長歌栖海曲浮室幾見海水綠門前月出青  
峰高直返天靈駕黃鶴偶然挂帆秋冥冥憤素波  
予凌太清扶桑萬丈落盃底三山挿入雙鬢平疲  
寒龍女明珠色石裂江神銹遂擊招安期生拉美  
門子相視大咲不能止當時浩蕩有如此何人喚  
我出蒿菜布衣短褐長安未春風鳳輦千元艷曉  
日銅龍萬戶開揖客頰四紫駟馬停鞭一問黃金  
臺黃金臺下都人滿道上逢君意款款古來結交  
在片言立談之間鮑與管白日為君遲浮雲為君

綬彈碁擊筑胡姬春恍慨悲歌驚四隣豈知世事  
翻海水合是文章忌鬼神落花同日隨風散一墜  
泥沙一錦裯君也昂藏向霄漢予今磊落走風塵  
風塵侵人亦太苦折腰日日趨公府豪氣清談安  
在哉丈夫俯仰工眉嫵吁嗟乎東方玩世世所侮  
寧論為鼠與為虎雲霄故人雙眼明憐余涕泪紛  
從衡鴻雁今飛何處影河橋惜別不勝情對君譔  
飲君酒拔劍起舞亂北斗落日啼殘上苑鴛西風  
吹折都城柳城頭藜藿鼓四搥酒醒上馬月欲斜

故人片時猶在眼春明門裏是天涯

寄顧益卿

余出都門顧觀察益卿追送報國寺相與劇談  
沉酣達旦平明別去賦此寄之

昔年草草長安遊今年小更走滄洲北風烈烈關  
山道何物英雄顧虎頭天寒走馬來相向腰間解  
贈雙吳鉞玉壺醉豕都門秋生來能樂不能愁便  
與擊筑彈箏篴我本要離俠者儔顧侯意氣片言  
接酒酣雄談傾不周自言嘗戴鐵兜鍪手提長劍

騎驂驅夜砍賊營摧山丘殺人如草還窮蒐屠生  
聞之開兩眸捋髯把臂呼君侯君侯君侯文修天  
上五鳳樓武可當縱衡百萬之貔繼丈夫如此真  
赴赴揚雄老苑相如優文章道是雕獼猴黃沙莽  
莽生邊州黃雲片片落隴裘白日下動潯沱流疲  
深命取大白浮狂來浩蕩歌吳諶天星一夜歷亂  
不得休明朝酒醒揮手別班騅去矣風蕭颯

彭城下吊項羽

彭城高垂曠野河流崩騰堆衆馬大江月出舳



艤空孤帆夜宿彭城下彭城之山鬱不開項王霸  
氣餘高臺日落黃雲壓古壘天寒白露生秋苔當  
時雄心掃六合親提猛士渡江來縱倚長劍叩關  
西秦關百二如丸泥飄飄回旗忽指東漢王膝行  
走下風烏騅橫衝萬馬間將士凋兮不敢彎只用  
刀頭畫江水直從掌上分河山睥睨已無赤龍子  
其餘英雄盡狐鼠天下侯王皆受封自取彭城王  
西楚指揮既定霸王基撞鐘伐鼓建華旗白日高  
臺駟駿馬疲深錦帳擁名姬蓋妾雄威山可拔一

朝跌宕復何說  
忼慨態來大澤深  
英雄運去寶刀  
折不能泥首向他人  
烏江之事亦烈烈  
霸王事業  
雖不成一時雄快良可驚  
昔日雄圖荒僻壘至今  
楚水流彭城  
我來一吊斯人  
嚴卷地悲風萬里生

淮陰祠下作

淮陰祠下淮水空  
山川壯多烈風烈風蕭蕭卷  
斷蓬飛濤相礮寒日紅  
停橋細數英雄事  
不在于  
金酬漂母不在百戰掃羣凶  
乃在布衣折節過屠  
中丈夫致身為神龍  
當其泥磔俛與蝦蛆同卷舒

如此真英雄吁嗟乎將軍既已為神龍神龍泥蟄  
升天都升天復能潛盤過清溪白石何不可漣淩  
高鴻飛飛遠雲羅雖有睥睨如將軍何何為日莫  
遭賊呵英雄已矣去日多荒原古祠生藤蘿長檣  
大殿祠前過歲歲西風送逝波

吳王歌

吳王昔日起高臺歌舞新收勁越回氣壑東南金  
丘埒巧窮吳楚錦成堆千尋綉柱凌雲度四面朱  
欄傍水開直捲星河迎錯落高馮天湖象山崔嵬江

頭燕掠花將暝城上烏樓月欲來前疑旌旗催疲  
角後宮絃管送春杯冉冉池蓮糞紅翠鋪遍流黃  
臨水閣採得秀色比娉婷倦倚嬌娃何綽約芳艸  
蘭舟錦纜浮弄楊駿馬紅纒絡南浦齊聞宛轉歌  
西園不下裁絳鑰南浦西園幾度看文牕綺構日  
盤桓娟娟繡帶黃金縷的的朱櫻白玉盤官井碧  
梧閒吠犬池亭翠篠密栖鴛稱諫戲贈同心結關  
巧妝臨七室欄妃子風流無奈舞君王顏色不禁  
歡酒羅君王復大笑喧喧車馬金闈道吳地初嫌

花月殘越王又送宮娃到歌分簫管舞尤工色並  
荷花香更好露點踈螢度玉除呈垂明月啟朱扉  
雕牀翠被妃央繞繡幌金屏孔雀圍簾下乘風款  
空翦寂涼滅燭解羅衣乘風滅燭對秋光宝扇羅  
衣興轉長鴉翅暗偷雙鬢色龍涎都散六街香館  
娃宮裡花如霧銷夏灣前月似霜碧海枯桑在能  
幾朝朝莫莫君王喜語鶯鸚武喚初回醉入茶蘼  
扶不起買笑追欢夜未央萬歲千秋樂无已梨花  
曉夢逐飄風揚柳春霄同逝水高臺把酒問花神

富貴豈華能幾春只听西湖採蓮曲寧知東海臥  
薪人会稽兵來風雨速十萬貔貅動地哭日上花  
枝啼鷓鴣春回芳草遊麋鹿鏡中已作綵雲飛臺  
下依然江水綠天蒼古對老宮槐野曠寒沙沒綉  
鞋丘墟茫茫陳玉匣田夫往往得金釵古來歌舞  
多零落日莫江頭一悵懷

蕩子從軍行

飄飄蕩子遠從軍黯淡河梁賦送君万里焦荒悲  
出塞十年杳杳念離群旗翻疾獵梢邊馬弓響秋

鵬落陣雲霜入哀笳聲烈々忽報單于角道絕擊  
斗朝馳鉄勒烟銜枚夜度龍沙月黑山部落總銷  
竟白馬馬支暗流血帳中夜々飲蒲莖手拔龍泉  
膽氣豪五月回軍屯隴右三秋轉戰出臨洮風高  
葱嶺催鉦鼓光照陰山掣佩刀葱嶺陰山雪十丈  
蕩子經行久無恙斬首心雄七校前冠軍名播三  
邊上丈夫輕別重遠遊自言談笑取封侯君行絕  
塞音書斷妾守空閨涕泪流燕子樓中常默宿露  
莖花下結千愁涼風綉帶難為效小雨銀缸不奈

秋一道烽烟邊報急天子雲中羽書集胡兵分道  
試長驅漢家孤軍又深入邊遞消息年年戰竟夢  
關山寂寂泣夢去那知蒸履寃夢回但見珊瑚濕  
蒸履珊瑚可奈何夢魂消息度交河高臺落木臨  
邊盡空磧寒沙出塞多空磧高臺數千里若木寒  
沙望中起陰々白日動秦關漠々黃雲壓漢壘十  
年談笑不封侯百戰何時見天子妾身直是老練  
眉蓬髻蕭々粉面垂攬涕因思戈甲冷裁衣忽下  
剪刀遲此時含情待明月此時絨怨問花枝雪散



靡無春又綠秋殘蕙草露仍披人愁人老具容易幸  
去年來為別離不信祗今衣上泪請君看取鬢邊絲

東海病農歌為林生賦

東海病農林芝生前身龍伯與鉅靈手劈二華走  
五山倒翻白日掀滄溟操蛇之神訴上帝帝怒之  
子逢天刑即今詣去扶桑國與爾侏儒跋一足已  
知骨相非侯王愿作農夫樓海曲閭闔天門開窈  
窕白壁黃金為微道盤跚蹶躡過其前上帝欣然  
玉女咲微吟散步向凉天五步十步絕可憐焚香

夜坐南華叟好雨春犁東海田窺井造物亦自僥  
獨留妙手捉雲烟貧居委巷空四壁門外喧喧車  
馬客霜落閑庭柿葉紅草滿林塘池水黑學書臨  
帖二十霜筆意往往入鍾王借得秋空一疋練乳  
駘北斗歸寒芒病叢歲歲居東海海水可以供揮  
灑天神下來山鬼哭赤烏綠字留千載世人只鮮  
耽長途平居六博愛呼盧君看跛者亦太巧天生  
妙手秀且孤兒曹飲酒過百盞下筆神羊一字無  
即如神羊一字无如飛雙之何為乎